

قاضي زاده نك طبيعت شمريه سي ده وار . تور كچه بر چوق اشماري
موجود در . بر چوق نك تولدي ويا بر آدمك وفاي حقنده سويلديكي اشمارك
خروفاي ايجد حسابيله ترتيب ايلر و بوصور تله حائد اولدقلى شخصك تاريخ
تولد ويا وفاي قولايجه حساب ايديليركه بو خصوصده بوكون بزده اوندن
باشقه صاحب مهارت بر ذات يوقدر .

صاحب ترجمه نك ديكر بر خاصه مميزه سي . آثار عتيقه نك هر نوعنه
زياده سيله احترام ايتمينده تجلي ايدنيور . بر چوق فرمانلر ، تاريخي سندلر ،
بوورولديلر ايله تاريخده كسب شهرت ايتش ، متعدد آدمك مهرلري كي
آناري جمع و حفظ ايتشدركه بوكون بر چوق موزه خانه لرده بيله بو قيمتلي شيلر
بولونيور . كتبخانه سنده ۸۰۰ جلد قدر كتب تاريخيه وسائر موجود در .
بوندن ماعدا بوسنده چيقان مختلف اوراق حوادلر ده قوللكسيوني مكملا
كتبخانه سنده محفوظدر . حكومت عثمانيه نك بوسنده كي جريده رسمي سي اولان
« بوسنه » غزنه سنك بدايت انتشاري اولان ۱۸۶۵ دن نهايي اولان ۱۸۷۸ ه قدر
اون اوچ سنه لك بوتون نسخه لري نفيس بر صورتده مجلد اوله رق كتبخانه سنده
بولونيور . « كلشن سراي » غزنه سنك اوچ سنه لك ؛ « اوسترياحكومتنك رسمي غزنه سي
اولان » سرايه وسقي ليست « جريده سنك بلا نقصان قرق سنه لك نسخه لري ؛
« وطن » و « رهبر » غزنه سنك يكرمي سنه لك نسخه لري ؛ « بوشنيق »
غزنه سنك يكرمي سنه لك ؛ « نادا - اميد » غزنه سنك طقوز سنه لك و « بهار »
مجموعه سنك آلتى سنه لك نسخه لري كمال اعتنا ايله حفظ ايدلمشدركه بويله
منتظم بر قوللكسيون ايله ميدانه چيقاجق ديكر بر فرد آفريده يوقدر .

بو قدر قوي بر عزم و اراده نك ، بويله امثال سر بر ثبات و متانتك منبع
يكاته سي وطن محبتدر ، ملت سودا سيدر . كندى ملتك ماضي سنه بويله درين
بر عشق ايله صار بلوب اوماضي ي نسيان دن تخلص و اخلاقه تبليغ نيتميله بو امر
مقدسه حصر نفس ايدن صاحب ترجمه بوتون مسلمانلر ايجون شايان فخر و مباهات
فدا كاران دن اولوب خروا تترك مشهور شاعري بره دادوويچك ديدكي وجهله :

كندى امواتنه اعتبار ايدن ملت

ماضي اوزرنده ايلر بناي استقبال

ييتك مدلول عالي سنه توفيق حركت ايتك ايستين و ملتك فيض و ترقي سنه
عاشق اولان آدمك صاحب ترجمه امثال ايدمرك احوال ماضي سنه
كسب و قوف ايله عبرت اولوب واستقبال ملزك تايمينه اويولده تدارك انده بولملى لازمدر .
قاضي زاده اختيار افنده رغماً وجودي صا غلام اولوب صحتي پر نده در .
بوكون اوتوز سنه لك مأموريت بر چوق آدملى يوروب قوتدن دوشوردكي
حاله قاضي زاده قرق درت سنه دنبري هم حكومت ماموريتنده چاليشيور ،
هم ده تاليفات تاريخيه سيله اوغراشمقده حالا دوام ايدنيور . جناب حق
كندى نريني كمال صحت و عافيتله ده بر چوق سنه لر معمر ايدوب امثالني آرامزده
تكثير ايتسون آمين .

صادوويچ ولي الدين

